



PERANGKAAAN PERDAGANGAN LUAR NEGERI MALAYSIA, JULAI 2025



KEMENTERIAN EKONOMI
JABATAN PERANGKAAAN MALAYSIA

PERANGKAAAN PERDAGANGAN LUAR NEGERI MALAYSIA JULAI 2025

Perangkaan Perdagangan Luar Negeri Malaysia
Julai 2024 – Julai 2025 (RM bilion)




Prestasi Eksport & Import Bagi Sektor



Import bagi Klasifikasi Ekonomi Umum & Penggunaan Akhir



Dagangan dengan ASEAN




3 Rakan Dagangan Utama



Nota: 1. Semua perubahan adalah berdasarkan perbandingan tahun ke tahun.
2. Data bulan Julai 2025 adalah data awalan dan tertakluk kepada pindaan dalam keluaran berikutnya.
3. Laporan ini boleh diperolehi daripada laman portal Jabatan Perangkaan Malaysia (<http://www.dosm.gov.my>) di bawah ruangan: Siaran Terkini.

Sumber : Perangkaan Perdagangan Luar Negeri Bulanan, Julai 2025
Jabatan Perangkaan Malaysia

Perangkaan Perdagangan Luar Negeri, Jan 2021 – Jul 2025



Perdagangan Malaysia kembali meningkat 3.8 peratus kepada RM265.9 bilion, dipacu oleh kenaikan eksport (+6.8%) dan import (+0.6%)

- Prestasi perdagangan Malaysia mencatatkan pertumbuhan positif pada Julai 2025 dengan jumlah dagangan meningkat 3.8 peratus daripada RM256.2 bilion pada tahun sebelumnya kepada RM265.9 bilion. Prestasi ini didorong terutamanya oleh pertumbuhan marginal import 0.6 peratus, mencecah RM125.5 bilion dan eksport 6.8 peratus, bernilai RM140.4 bilion pada Julai 2025 .
- Kenaikan eksport semula (26.4% daripada jumlah eksport), melonjak 42.0 peratus berbanding Julai 2024 dengan nilai RM37.0 bilion. Sebaliknya, eksport domestik (73.6% daripada jumlah eksport) jatuh 1.9 peratus kepada RM103.4 bilion.
- Lebihan dagangan melonjak 120.7 peratus kepada RM15.0 bilion, mencatatkan lebihan dagangan 63 bulan berturut-turut sejak Mei 2020.
- Eksport yang lebih tinggi didorong terutamanya oleh kenaikan penghantaran ke Singapura (+RM4.7 bilion), diikuti oleh Taiwan (+RM2.5 bilion), Mexico (+RM1.0 bilion), China (+RM1.0 bilion), Amerika Syarikat (+RM680.2 juta), Kesatuan Eropah (+RM589.4 juta) dan Emiriah Arab Bersatu (+RM394.6 juta).
- Peningkatan tersebut sebahagian besarnya disumbangkan oleh penghantaran yang lebih tinggi bagi barangan elektrik dan elektronik (+RM11.6 bilion); jentera, kelengkapan dan peralatan (+RM936.1 juta); barangan perkilangan berasaskan minyak kelapa sawit (+RM529.7 juta); barangan optik & saintifik (+RM492.3 juta); makanan diproses (+RM440.5 juta); serta bijih logam dan serpihan logam (+RM224.7 juta).
- Peningkatan import pula disumbangkan terutamanya oleh kemasukan barangan yang lebih tinggi dari Taiwan (+RM5.2 bilion), diikuti oleh China (+RM1.7 bilion), Korea Republik (+RM1.6 bilion), Vietnam (+RM825.2 juta), Oman (+RM755.7 juta), Sudan (+RM696.7 juta) dan Arab Saudi (+RM679.7 juta).
- Pertumbuhan import didorong oleh kemasukan yang lebih tinggi bagi barangan elektrik & elektronik (+RM5.4 bilion); petroleum mentah (+RM771.2 juta); barangan optik & saintifik (+RM741.3 juta); kelengkapan pengangkutan (+RM443.2 juta); keluaran perkilangan lain (+RM385.6 juta); serta minyak sawit & keluaran pertanian berasaskan minyak sawit (+RM380.6 juta).
- Berbanding dengan Jun 2025, eksport, import, jumlah dagangan dan imbalan dagangan masing-masing mencatatkan peningkatan 15.5 peratus, 10.9 peratus, 13.3 peratus dan 78.2 peratus.
- Jumlah dagangan Malaysia bagi tempoh Januari hingga Julai 2025 meningkat 4.7 peratus kepada RM1.7 trilion, disokong oleh pertumbuhan eksport (+4.3%) dan import (+5.1%). Walau bagaimanapun, lebihan dagangan turun 4.7 peratus dengan mencatatkan nilai RM70.3 bilion berbanding tempoh yang sama pada tahun 2024.

